

आकाशवाणी

खबरां ----

- 1 विदेश मंत्रालय नै अज्ज आखेआ ऐ जे भारत ते अमरीका दी सांझ-भ्याली बक्ख-बक्ख आयामें आहली ते मती खास ऐ।
- 2 प्रधानमंत्री नरेंद्र मोदी होरें आखेआ ऐ जे सरकार थेआरबंद बलें गी सशक्त बनाने लेई म्हेशां हर मुमकन जत्न करोग।
- 3 गृह मंत्री अमित शाह होरें आखेआ ऐ जे सरकार बड़ी तौलें गै आतंकवाद रोधी नीति ते रणनीति लेइयै औग।
- 4 पर्यावरण, जंगलात ते जलवायु परिवर्तन सरबन्धी मंत्रालय नै पराली फूकने पर लाया जाने आहला जुर्माना दूना करी दिता ऐ।
- 5 सर्वोच्च अदालतै अज्ज आखेआ ऐ जे सरकारी नौकरिणं च नियुक्ति लेई भर्ती दे तय नियमें च अद्द बश्कार कुसै किस्मै दा फेरबदल नेई कीता जाई सकदा।

<><><><><><>

MEA Briefing

विदेश मंत्रालय नै आखेआ ऐ जे भारत ते अमरीका दी भागीदारी मते आयामें आहली ते मती खास ऐ। विदेश मंत्रालय दे प्रवक्ता रणधीर जायसवाल हों नमीं दिल्ली च संवाददाता सम्मेलन च दस्सेआ जे प्रधानमंत्री नरेन्द्र मोदी हों राष्ट्रपति दे औहद्धे लेई चुने गेदे [०नाल] ट्रम्प हुंदे कन्नै गल्लबात कीती ऐ। श्री मोदी हों उनेंगी आखेआ जे भारत, अमरीका दे कन्नै व्यापक वैश्विक ते रणनीतिक सांझ-भ्याली मजबूत करने लेई उत्सुक ऐ। श्री जायसवाल हों आखेआ जे भारत ते अमरीका लोकें दी बेहतरी ते शांति ते सुरक्षा जकीनी बनाने लेई कम्म करडन। कनाडा दे टोरंटो च किश कन्सुलर कैम्प रद्द कीते जाने पर श्री जायसवाल हों आखेआ जे कनाडा सरकार थमां लोड़चदी सुरक्षा दा भरोसा नेई दिते जाने करी ऐसा कीता गेआ ऐ। उनें आखेआ जे एह कैम्प भारती समुदास दी गुजारिश पर चलाए जंदे न ते समुदायिक संगठनें दी सौकख लेई ऐसे कैप आयोजित कीते जाडन। ब्रेम्पन दे मंदरें पर हमले पर उनें आखेआ जे भारत नै इनें हमले दी निन्देआ कीती ऐ ते कनाडा सरकार गी कन्नू दे शासन गी बनाई रक्खने ते हिंसा गी अंजाम देने आहले लोकें खलाफ कन्नूनी कार्रवाई करने दा आह्वान कीता ऐ। विदेश मंत्रालय दे प्रवक्ता नै अफगानिस्तान गी मनुक्खी मदाद दिते जाने दे बारें च जानकारी दिती जे अफगानिस्तान

गी 50 हजार मीट्रिक टन कनक, 300 टन दवाइयां ते भूंचाल थमां राहत आहली 28 टन सामग्री उपलब्ध कराई गई ऐ।

<><><><><><><>

PM-OROP

प्रधानमंत्री नरेंद्र मोदी होरें आखेआ ऐ जे वन रैंक वन पेंशन गी लागू करने दा फैसला मते समें थमां चलदी आवा'रदी मंग ते अपने सैनिकें दे प्रति राष्ट्र दे आभार गी प्रगट करने दी दिशा च इक महत्वपूर्ण गेंs ऐ। इस योजना दे अज्ज 10 बरे पूरे होने पर इक सोशल मीडिया पोस्ट च श्री मोदी होरें आखेआ ऐ जे एह पैहल उनें दिग्गजें ते साबका सेवा कर्मिं दी हिम्मत ते बलिदान गी श्रद्धांजलि ऐ जेड़े राष्ट्र दी रक्षा आस्तै अपनी जान गी समर्पित करदे न। उनें आखेआ ऐ जे इक दहाके दौरान लक्खां पेंशनरें ते पेंशनर परोआरें गी इस योजना थमां फायदा हासल होआ ऐ। प्रधानमंत्री मोदी होरें आखेआ ऐ जे गिनतरी थमां परे एह OROP योजना थेआर बलें दी भलाई-बेहतरी लेई सरकार गी प्रतिबद्धता दर्शादी ऐ।

<><><><><><><>

OROP

केंद्र दी इक रैंक इक पेंशन स्कीम व्त्च गी 10 बरे होई गए न। एह स्कीम साबका फौजिएं गी बरोबर पेंशन देने ते इस सरिस्ते गी पारदर्शी बनाने लेई लागू कीती गई ही। मंत्रालय दा गलाना ऐ जे इस स्कीम तैहत इस बरे 30 सितंबर तगर 895 करोड़ थ्वां मती रकम बांपी गई ऐ। इस स्कीम राएं 25 लकख थ्वां मते सशस्त्र बलीं गी फायदा होआ रदा ऐ। इस योजना च इक्कै रैंक ते बरोबर सेवा अवधि कन्नै पेंशनरी होने आहले सैनिकें गी बरोबर पेंशन थ्हांदी ऐ। भामें ओह कुसै बी तरीक गी पिंशनरी होए दे होन।

<><><><><><><>

Shah-Conference

केंद्री गृह मंत्री अमित शाह होरें अज्ज आखेआ ऐ जे आतंकवाद दा मुकाबला करने आस्तै सरकार तौले गै आतंक रोधी नीति ते रणनीति लेइये औग। नमीं दिल्ली च राश्ट्रीय जांच एजेंसी आसेआ आयोजित दऊं दिनें दे आतंकवाद रोधी सम्मेलन दा उद्घाटन करदे होई अमित शाह होरें आखेआ ऐ जे पिछले 10एं बरें सरकार नै आतंकवाद खलाफ सख्त रवैया अपनाया ऐ। शाह होरें आखेआ ऐ जे पिछले 10 बरें च आतंकवाद खलाफ लड़ने लेई मुख्य च इक मजबूत प्रणाली तैयार कीती गई ऐ। उनें आखेआ ऐ जे 2006 थमां 2013 तोड़ी आतंकवादी

घटनाएं च 70 फीसद कमी आई ऐ। केंद्रीय गृह मंत्री होरें आखेआ ऐ
जे आतंकवादी हमले ते उंदी साजिश मुख्य दे खलाफ रची जंदी ऐ।
उनें युवा अधिकारियें लेई खास सिखलाई दी लोड़ पर जोर भरेआ ते
आखेआ जे उनेंगी नमीं तकनीकें कन्ने लैस होना लोड़चदा ऐ।

<><><><><><><>

Envinronment Stubble

पर्यावरण जंगलात ते जलवायु परिवर्तन मंत्रालय नै पराली फुक्कने पर
जुर्माना दूना करी दिता ऐ। सरकार नै कल राश्ट्री राजधानी ते आले.
दोआले दे खेतरें च पराली फुक्कने कन्ने सरबंधत ब्हाऊं दे मय्यार
सरबंधी प्रबंधन आयोग दे नमें संशोधित नियम अधिसूचित कीते। नमें
नियमें तैहत 2 कमांस थमां घट्ट जिमीं आहले करसानें गी हून 5 जहार
रपे जुर्माना देना होग जेहड़ा पैहले ढाई जहार रपे हा। 2 थमां 5 कमांस
जिमीं आहले करसानें गी दस जहार रपें पर्यावरण सरबंधी मुआवजा देना
होग। जेहड़े करसानें कोल 5 कमांस थमां मती जमीन ऐए उनेंशगी 30
जहार रपे पर्यावरण सरबंधी मुआवजा देना पौग।

<><><><><><><>

Chhath Puja Bihar

देशे दे बक्ख-बक्ख हिस्सें च छठ दा च'ऊं दिनें दा ध्यार धार्मिक जोश ते खुशी कन्ने मनाया जा करदा ऐ। अज्ज त्रीये ध्याड़े 36 घंटे दा बरत शुरू करने आहले श्रद्धालुएं ़ुब्बदे सूरजै गी अर्घ्य दिता। बिहार च इस अनुष्ठान लेई सब्बै तैयारियां पैहले गै करी लैती गेदिआं हिआं। लोकें छठव्रती गंगा, गंक, कोसी, बागमती, पुनपुन ते होरनें दरेयाएं दे बड़ी खूबसूरती कन्ने सजाए गेदे कंडें पर ़ुब्बदे सूरजै गी अर्घ्य दिता। इस दरान इनें थाहें पर पूरा भक्तिमय म्हौल बने दा रेया। कल बड़लै उगदे सूरज गी अर्घ्य देने दे बाद एह पर्व संपन्न होग। पटना च जहारां बद्धे श्रद्धालुएं गंगा नदी दे घाट पर जाइयै छठ पेटा कीती। पटना च 100 शा मते छठ घाट सजाये गेदे हे। इस सरबंधे च उत्थे सुरक्षा दे बी निग्गर प्रबंध कीते गेदे हे। छठ घाटें पर एनपीआरएफ ते एसपीआरएफ दिएं टीमें दी तैनाती बी कीती गेदी ही।

<><><><><><><>

VP-Chath Puja

उप-राश्ट्रपति जगदीप धनखड़ होरें छठ पूजा दे ध्यार पर सब्बनें लोकें गी बधाई दिती ऐ। इक सोशल मीडिया पोस्ट च उनें कामना कीती ऐ जे छठ दा ध्यार सब्बनें आस्तै सुख ते समृद्धि लेइयै आवै। उप-राश्ट्रपति जगदीप धनखड़ होरें सूर्य देव दी पूजा दे ध्यार गी शाश्वत

परम्पराएं दे जशन दे कन्नै-कन्नै प्रकृति कन्नै स्हाड़े गूड़े रिशतें दा प्रतीक दस्सेआ। उप-राश्ट्रपति होरें मेद जाहिर कीती ऐ जे छठी मात दा शीर्वाद देशै गी प्रगति ते समृद्धि आहली बक्खी बदने च मार्गदर्शन करोग।



PM-Chhath

प्रधानमंत्री नरेंद्र मोदी होरें अज्ज छठ पर्व दे त्रीये ध्याड़े देशवासिएं गी मुबारकबाद दिती ऐ। सोशल मीडिया दी इक पोस्ट च श्री मोदी होरें आखेआ ऐ जे छठ संध्या अर्ध उत्सव, सादगी, खबर, पक्के निश्चे ते समर्पण दा प्रतीक ऐ। उनें इब्बी कामना कीती जे एह महान उत्सव हर कुसै दे जीवनै च खुशी, खुशहाली ते खुशकिस्मती लेइयै आवै।



Jharkhand Campaigning

झारखंड च छठ पूजा आहले पर्व दे बावजूद एनपीए ते इंडी गठबंधन दे नेता, अपने-अपने मेदवारें दे हक्कै च समर्थन हासल करने लेई चुनावी बैठकां करै करदे न। हज़ारीबाग च लोकें दे किट्ठ गी संबोधित करदे होई बीजेपी दिए वरिष्ठ नेता ते केन्द्री मंत्री अन्नपूर्णा देवी होरें आखेआ जे झारखंड दे लोक राज्य च हेमंत सोरेन सरकार दे माड़े शासन थमां नाखुश न। दुई बक्खी झारखंड मुक्ति मोर्चा दिए वरिष्ठ

नेता कल्पना सोरेन होंरें खुंटी च जनता सभा कीती। बीजेपी पर दोष लांदे होई उनें आखेआ जे हेमंत सोरेन सरकार दे कार्जकाल दरान राज्य च केई सारे विकास प्रोजेक्टें गी सबूरा कीता गेआ ऐ। कांग्रेस, आरजेपी, खब्बे धड़े आहली पार्टिएं सने होर दुइयें पार्टिएं दे नेता बी राज्य दे बक्ख-बक्ख हिस्सें च चुनावी जलसे ते जनसभां करै करदे न। झारखण् दी 81एं सदस्यें आहली विधानसभा लेई चुनां द'ऊं चरणें च करोआए जाडन। पैहले चरण दा मतदान 13 नवम्बर ते दुए चरण दा मतदान 20 नवंबर गी होग। वोटें दी गिनतरी दा कम्म 23 नवम्बर गी तोढ चाढेया जाहग।

<><><><><><>

Jaishankar Australia

विदेश मंत्री ाक्टर एस. जयशंकर होंरें िजिटल, ढांचागत विकास, माल तैयार करने ते हुनर सरबन्धी खेत्तरें च देसै अंदर आए दे जबरदस्त बदलावें पर लोऽ पाई ऐ। अज्ज सिनी च बड्णी कंपनिएं दे मुक्त कार्जकारी अधिकारिएं ते होरनें बड्णे कारोबारिएं कन्ने लाई गेदी बैठक दरान जयशंकर होंरें भारत ते अस्ट्रेलिया बश्कार व्यापक सामरिक सांझ-भ्याली लेई तगड़े कारोबारी सरबन्धें गी मता महत्वपूर्ण करार दिता। अस्ट्रेलिया दे अपने दौरै दरान जयशंकर होंरें भारती समुदाय दे लोकें ते सांसदें कन्ने बी मलाटी कीती। उनें दौनें मुल्खें

बशकार सांझ-भ्याली गी तगड़ा बनाने च सक्रियता कन्नै जोगदान देने लेई भारती समुदाय दे लोकें दा धन्नवाद बी कीता।

<><><><><><><>

SC Recruitment Rules

सर्वोच्च अदालतै अज्ज बवस्था दिती जे सरकारी नौकरियें च नियुक्ति लेई भर्ती दे तय नियमें च अद्द-बशकार कुसै किस्मै दा फेर-बदल नेई कीता जाई सकदा ऐ। प्रधान न्याऽधीश पी. वाई. चंद्रचूड़ हुंदी प्रधानता आहली 5एं न्याऽधीशें दी पीठ नै बवस्था दिती ऐ जे भर्ती प्रक्रिया शुरू होने थमां पैहले इक बारी तय भर्ती दे नियमें कन्नै अद्द-मझाटै छेड़छाड़ नेई कीती जाई सकदी। उनें बवस्था दिती ऐ जे ताल सरबंधी नियम मनमाने नेई होने लोड़चदे ते संविधान दी दफा 14 दे मताबक गै होने चाईदे न। सर्वोच्च अदालतै सब्बनें दी सैहमति कन्नै आखेआ जे सरकारी भर्तियें दी प्रक्रिया च पारदर्शिता ते फर्कोफर्की रहत नीति अपनाई जानी चाईदी तांजे मेदवारें गी कुसै किस्मै दी कोई परेशानी नेई होनी लोड़चदी ऐ।

<><><><><><><>

Sharda Sinha Funeral

मशहूर लोक गायिका शारदा सिन्हा हुंदा खीरी संस्कार अज्ज बिहार दे पटना च पूरे सरकारी सम्मान कन्नै कीता गेआ। 'बिहार कोकिला' दे नांs कन्नै मशहूर गायिका दे पार्थिव शरीर दा बड़ी मती गिनतरी च प्रशंसकें, समर्थकें ते आम लोकें दी मजूदगी च पटना च गंगा नदी दे कंडो पर गुलाबी घाट पर खीरी संस्कार करी दिता गेआ। इस मौके पर साबका केंद्री मंत्री राम कृपाल यादव ते अश्विनी कुमार चौबे बी मजूद हे। मंगलवारें नमीं दिल्ली दे एम्स च उंदा काल होआ। ओह 72एं बरें दिआं हिआं। दिवंगत शारदा सिन्हा हुंदे गीत पारंपरिक त्योहारें ते खास तौर पर छठ उत्सव ते ब्याहें दे मौकें पर लोकें गी मंत्रमुग्ध करी दिंदे हे।

<><><><><><><>

Zambia India Meeting

विदेश राज्य मंत्री कीर्ति वर्धन सिंह ते जांबिया दे विदेश ते अंतर्राष्ट्रीय सैहयोग मंत्री मुलाम्बो हाइम्बे होरें अज्ज लुसाका च जांबिया-भारत सांझे स्थायी आयोग दी 6मीं बैठक दी सांझे तौर पर अध्यक्षता कीती। बैठक दरान दौनें नेताएं राई-बाई, शिक्षा, ऊर्जा, रक्षा ते संस्कृति सने केईं खेत्तरें च सैहयोग पर चर्चा ते समीक्षा कीती। दौनें पक्खें बधदे दपक्खी सरबंधें दी सराहना कीती ते इनेंगी होर पक्का करने दी

वचनबद्धता जाहू कीती। बैठक च भारत नै जांबिया च सोक्के दी स्थिति पर चैता बुज्झी ते 2 जहार 500 ँन मक्क दी सहायता उपलब्ध करोआने दा जिक्र कीता। एह समग्री बड़ी तौले जांबिया पुज्जी जाने दी मेद ऐ।



Railways- Special Trains

भारतीय रेलवे आसेआ यात्रिये दी सुविधा आस्तै कल्लै थमां 164 खास रेल गइणियां चलाइयां जांरदियां न। त्यौहार मनाने दे मगरा अपने-अपने घर परतौने आहले यात्रिये गी एहदा लाह हासल होग। अगले त्रऊं दिनें दौरान तकरीबन 476 रेल गइणियां चलाने दी योजना बनाई दी ऐ। उत्तरी रेलवे, दिल्ली, हरियाणा, उत्तर प्रदेश, पंजाब, उत्तराखण्ड ते जम्मू-कश्मीर दे बक्ख-बक्ख स्टेशनें थमां देश दे बक्ख-बक्ख हिस्सें च तकरीबन 20 रेल गइणियां चलाइयां जाडन। आकाशवाणी कन्नै खास गल्लबात करदे होई उत्तरी रेलवे दे मुख जनसंपर्क अधिकारी हिमांशु शेखर उपाध्याय होरें आखेआ जे रेलवे स्टेशनें थमां यात्रिये दे सुचारू तौर पर बाहर निकलने ते उनेंगी अग्गे दा रस्ता दस्सने लेई रेलवे सुरक्षा बल ते स्वयंसेविये गी तैनात कीता गेदा ऐ।

<><><><><><>

Assembly-JK

जम्मू-कश्मीर विधानसभा गी अज्ज दिन भरै लेई स्थगित करी दिता
गेआ। जम्मू-कश्मीर दा विशेष दर्जा परताने बारै पारित कीते गेदे
प्रस्ताव दे चलदे विपक्ष नै बड़ा मता रौला रप्पा कीता। इस प्रस्ताव गी
कल उप मुख्यमंत्री ते नेशनल कांफ्रेंस दे नेता सुरिंद्र कुमार चौधरी होरें
पेश कीता। इस प्रस्ताव गी ध्वनि मत कन्नै पारित करी दिता गेआ।
जियां गै अज्ज सत्र शुरू होआ बीजेपी नेता सुनील शर्मा होरें इस
प्रस्ताव खलाफ आवाज पुट्टी ते इसी असंवैधानिक करार दिता। केई
सारे मिम्बरें सदन दे बिच्च बश्कार औने दी कोशश कीती। स्पीकर
हुंदी हिदायतें पर किश गी मार्शल आउट कीता गेआ। सांसद इंजीनियर
रशीद हुंदे भास ते लंगेट थ्वां विधायक होरें हिरासत च रक्खे गेदे
सियासतदानें गी रिहा करने लेई गलाया। विधानसभा च रोले-रप्पे दे
मद्देनजर स्पीकर होरें सदन गी पैहले 15 मिंटें लेई ते मगरा दिन
भरै लेई स्थगित करी दिता।

<><><><><><>

Smriti-JK

भारतीय जनता पार्टी दी नेता स्मृति ईरानी नै जम्मू-कश्मीर दा विशेष दर्जा बहाल करने बारे पारित प्रस्ताव पर सौआल पुट्टे। नमीं दिल्ली च मीपिया कर्मिं गी संबोधित करदे होई उनें इंपी गठबंधन दे नेताएं थवां इस बारै सोआल पुच्छे ते आखेआ जे इयां बड़ोंदा ऐ जे ओह जम्मू-कश्मीर दे संविधान खिलाफ नमीं लड़ाई शुरू करा'रदे न। श्रीमति ईरानी हों आखेआ जे एह लोक दलित, जनजातीय समुदाय ते महिलाएं दे हक्कें दी खिलाफवर्जी करा रदे न। कांग्रेस पार्टी थवां सौआल पुच्छे होई उनें आखेआ जे कांग्रेस की जम्मू-कश्मीर च आतंकवाद खिलाफ रों साफ नेई करदी। उनें आखेआ जे दफा 370 दे हटने मगरा आम नागरिकें दी मौती दे आंकड़े च 80 फीसद कमी आई ते 70 फीसद हिंसा दिं घटनाएं च कटौती होई ऐ।

